



Broj: 06.3-1065/18
Sarajevo, 02.04.2018. godine

Na osnovu člana 100. stav (1) i (3) Zakona o javnim nabavkama Bosne i Hercegovine („Službeni glasnik BiH“, broj 39/14) i člana 36. Statuta javne ustanove Psihijatrijska bolnica Kantona Sarajevo („Službene novine Kantona Sarajevo“, br. 25/14, 10/16, 12/16 i 28/17) ugovorni organ Javna ustanova Psihijatrijska bolnica Kantona Sarajevo razmatrajući po žalbi ponuđača Instituta za građevinarstvo „IG“ Banja Luka na Odluku o poništenju postupka javne nabavke (broj 06.3-785/18 od 09.03.2018. godine), donosi:

R J E Š E N J E

1. Žalba ponuđača Instituta za građevinarstvo „IG“ Banja Luka na Odluku o poništenju postupka javne nabavke (broj 06.3-785/18 od 09.03.2018. godine) usvaja se kao osnovana.
2. Poništava se Odluka o poništenju postupka javne nabavke (broj 06.3-785/18 od 09.03.2018. godine).
3. Nastavlja se postupak javne nabavke Izrada projektne dokumentacije (Glavni projekat) za izgradnju Odjeljenja forenzičke psihijatrije Javne ustanove Psihijatrijska bolnica Kantona Sarajevo po pozivu za dostavljanje ponuda broj 06.2-283/18 od 26.01.2018. godine.
4. Izrada projektne dokumentacije iz tačke 3. ovog Rješenja dodjeljuje se firmi Energoinvest d.d. Sarajevo, kao najpovoljnijem ponuđaču, a na osnovu rang liste koju je sačinila Komisija za otvoreni postupak – nabavku usluge izrade projektne dokumentacije za izgradnju Odjeljenja forenzičke psihijatrije u okviru Javne ustanove Psihijatrijska bolnica Kantona Sarajevo.

O B R A Z L O Ž E N J E

Ponuđač Institut za građevinarstvo „IG“ Banja Luka je dana 16.03.2018. godine podnio Žalbu na Odluku o poništenju postupka javne nabavke broj 06.3-785/18 od 09.03.2018. godine.

Žalba je blagovremena, dopuštena i izjavljena od ovlaštenog lica.

U žalbi se navodi da je postupak poništen protivno odredbama člana 69. Zakona o javnim nabavkama BiH, kojim je u stavu (2) navedenog člana definisano da je Ugovorno tijelo obavezno poništiti postupak javne nabavke u slučajevima kad:

- nije dostavljena nijedna ponuda u određenom krajnjem roku;
- nije dostavljen nijedan zahtjev za sudjelovanje u ograničenom postupku, u pregovaračkom postupku sa ili bez objave obavještenja ili u takmičarskom dijalogu,
- nije dostavljen broj ponuda određen u članu 32. stav (4) ovog zakona, ako je bilo predviđeno zaključenje okvirnog sporazuma;

- nijedna od primljenih ponuda nije prihvatljiva;
- cijene svih prihvatljivih ponuda znatno su veće od osiguranih sredstava za predmetnu nabavku.

Stavom (3) ovog Zakona je određeno da Ugovorno tijelo može otkazati postupak javne nabavke samo zbog dokazanih razloga koji su izvan kontrole ugovornog organa i koji se nisu mogli predvidjeti u vrijeme pokretanja postupka javne nabavke.

Budući da iz navedenog proizilazi da je ugovorni organ obavezan poništiti postupak javne nabavke samo iz razloga koji su tačno definisani članom 69. Zakona o javnim nabavkama, a da se članovi na koje se u žalbama pozivaju ponuđači Ecoplan d.o.o. Mostar i Društvo za inženjering i marketing "Aksa" d.o.o. Zenica odnose na pojašnjenje tenderske dokumentacije i nisu predviđeni kao razlozi za poništenje postupka, nastavlja se postupak javne nabavke.

Na osnovu kriterija za izbor najpovoljnijeg ponuđača u pomenutom postupku javne nabavke, Komisija za otvoreni postupak – nabavku usluge izrade projektne dokumentacije za izgradnju Odjeljenja forenzičke psihijaterije u okviru Javne ustanove Psihijatrijska bolnica Kantona Sarajevo, sačinila je rang listu, te na osnovu iste predložila direktoru da kao najpovoljnijem ponuđaču projekat dodijeli firmi Energoinvest d.d. Sarajevo sa ukupno osvojenih 88,04 bodova.

Po broju osvojenih bodova dalje slijede:

- Institut za građevinarstvo "IG" Banja Luka (sa ukupno osvojenih 68,75 bodova),
- Ecoplan d.o.o. Mostar (sa ukupno osvojenih 60,95 bodova) i
- Aksa d.o.o. Zenica (sa ukupno osvojenih 56,41 bodom).

Uzimajući u obzir sve prethodno navedeno, doneseno je Rješenje kao u dispozitivu.

POUKA O PRAVNOM LIJEKU: Protiv ovog Rješenja može se uložiti pismena žalba Uredu za razmatranje žalbi Bosne i Hercegovine u roku od 10 dana od dana prijema Rješenja, putem Ugovornog organa.



DIREKTOR

Ahmić dr Muhamed
spec.neuropsihijatar

DOSTAVITI:

- Ponuđačima koji su dostavili ponude
- web-stranicama www.ejn.gov.ba i www.jagomir.ba
- Komisiji za javne nabavke
- a/a.